

Бичкдүдт — оньган

Бичкдүд — мана байр, мана иргч. Мана орн-нутгин балгъсдар, поселк-ар адна төлә бичкн күүкдин яслъ секата.

Өдгә цагт Элет балгъснд бичкдүд-ин гурви яслъмуд баяна. Теднд ода болхла, нилх күүкдас авн гурви насн күртл бичкдүд цугъарн баяна. Турвдгч номерта яслъд 20 күн баях ормд, ода 29 бичкдүд баяна. Яслин гернь баахн, бичкдүд наадг газрнь багъдсн дееран, бичкдүд наадг оборуовань кегдәд уга. Бичкдүд наадг газрнь зеткертә: халун бешд бичә өөрдтхә гигъад тег кедж, болв эн теегиг донънджәх төмрнь наадг гавртнь харшлдж баяна. Бичкдүд наадг наадгъаснь цон болджахинь бас темдгх кергтә. Шишлнь хора уга болсн учрар, нилх бичкдүд, мөлдк болн йовдг бичкдүд хамдан баяна. Эн чик биш йовдл гидж бас темдгх кергтә.

Хойр яслъд эмч үр Т. С. Иванова көдлджанә. Эн, көдлмшиннь заагтнь поликлиникд гемтә улс бас хәланә. Өрүн болгън, яслъд авч ирсн бичкдүдин әрүл-мендинь эмч хәләх зөвтә. Керм эмч бичкнд гем баяна гидж харлджахла, дарунь актәгъинь больницд йовулх зөвтә. Гемтсн бичкнд эмч гертнь оч, әк-әкктнь ямаран кевәр көвүгъән әс гидж күүкән. ягъдж бәрхин, ю кехин тускар сүв-селвгән өгх зөвтә.

Үр Иванова болхла, хойрдгч номерта яслъд өрәл джалв, гурвдгч номерта яслъд — 0,25 джалв авч көдлджанә. Өдр болгън әврә көдлмшәсн хойр яслъ тал ирнә гисн, — манагъар болхла, сән йовдл биш. Яслъмудин төлә шишлнь эмч, онъгдан көдлмшт көдлгө, зуг бичкн күүкдин яслин халхд көдлг кех кергтә.

Хойрдгч номерта яслъд зурагъар

болхла 44 бичкдүд баях зөвтә, болв өдгә цагт 58 бичкдүд баяна. Нег орнд хойр бичкн кевтдгнь бас буру йовдл. Иим йовдлла цаараднь зөвшәрдж болшго. Бичкдүдт шин, у, сарул гер кергтә. Джил ирвас бичкдүдин тонь немәд йовна, шин яслъмуд кергтә болджана, болв балгъснд эн төрт сән кевәр оньг өггдджәхш. Тосхлтин 3-ч номерта управлень 40 баярнтә яслъ экләд бәрснас нааран джил болдж йовна, болв кезә белн болхнь медгдджәхш.

Бичкдүдт сән, әмтәхн, хурдн шиньдг хот өгх зөвтә. Бичкдүдт, нег үлү нилх бичкдүдт, колбасар, хөбнә махар кесн, консервәр белдсн хот өглгън — чик биш. Бичкдүдт үснә өрм өггдхш.

Бичкн күүкдин яслин көдлмшт баях дуту-дундсиг чиклдж. мана хамгин бичкн гражданмудт оньган өгх кергтә.

С. БАРТУНОВ.